

忠雅堂文集

忠雅堂文集卷十四

詩十四

鉛山 蔣士銓 心餘

雜詩

地方養萬物至慈過于天但任發生勞不挽旱潦權川澤本納  
并時代已互遷割圻日紛紛坤維體常全誰搏大塊土縣置天  
永開六面聚人民如蟻緣彈丸中藏萬類骨雜以木石穿重厚  
故可久順承歸自然

到鉛山有作二首

曉日半城山人家積翠閒碓輪晴雪轉麻地綠陰間烏勸田翁  
酒谿明浣女鬢天涯求樂土難道勝鄉關

餘糧栖壘畝鄰里說豐年穀減荒時價廚添破屋煙扶犁歌飯  
甞糴米計囊錢敢笑樊遲稼躬耕少薄田

上菊詩六首

十年展邱墓歸舉焚黃禮鳴騶擁飛蓋  
鳳敕函中旨肩輿從  
眷屬樽潔載牲醴循塗詣崇阿次第遵遐邇

皇仁逮艸澤榮輝動鄉里多謝路人言積善報如此

我祖生吳興九齡值喪亂全家避氛警  
局置園重甲大帥逐狼  
軀挾以踰嶺坂于時我曾祖譽望駭湖冠  
張筵友衛霍醉發微  
蘭歎爰乞靈芝芽移植瑤階畔嗟哉覆巢羽卵翼恩無間長松  
蔭修蘿寄生成直榦

祖妣十五齡綦縞賦于歸共命歷艱難涉世心已微  
夫子性冲  
逸遁跡慕翔翬旣冠第五嶽數載一言歸性樂支許儔元詮契  
無違垂老厭世緣內省悟前非鸞耀有同心繡佛栖林霏翩然  
乘三雛竟作冥鴻飛

言瞻梅山塘崇岡羅竹樹栽栽三尺阡是爲我祖墓生遺紉  
榮歿荷 絲綸譽 贈官如厥孫晉階承異數豐碑改華秩隱  
德垂斯裕煌煌簡 天章泉臺淚如注

迴駕指九都迤邐紆田疇嵌空裏高塢祖妣藏斯邱去天不盈  
尺千仞蟠靈馭妣德植懿美規矩清門留 載贈太安人鳳紙  
耀松楸我母背于歸及送芻靈鞠寔息卅三年老淚尚暮收未  
荷含飴恩生晚每自尤脆質任重難仰翼垂慈床

曲阿抱東郭云是古蒿里我考夙願違恩遽窀于此奄忽歷歲  
月改葬期尙竢惻惻感霜露引責不能已 贈秩陳墓門深恩  
遽存死我母率婦孫再拜酹清醴三穉解傷懷天性良有以

西山庵訪程菴湖

張

青嶽接西郊縈紆綠田盤寺門闕深翠修篁萬千竿詰曲陟古

磴幽禽時一喧中有習靜者讀書掩禪關抱經二三子講學松  
筠閒蒨湖俊彥士文彩比龍鸞廿載困一經樂不改朱顏涵養  
經綸才巖谷有餘歡坐我最高峰俯瞰羅城闕開豁萬古眼惆  
悵亦難言樂哉愛斯邱荷鋤吾何患

瑤坪隱修園訪程重黎

二首

讀書宜園中三程爾最季未冠角嶽嶽已露軒然氣廿載復相  
見獨抱匡時志學增章句言識洞古今事兀兀鮮同調把卷或  
流涕秉燭語深夜一契平生意昔賢忠孝心微時敢自棄可憐  
伏處者刻苦見文字

小園荒不治生意滿軒楹瓜壺綴松棚烏雀安柴荆手釣方塘  
鮮汲井爲我烹生徒質疑辯論多從橫逡巡進斗墨索我書  
牆屏一掃三十幅擲筆山鬼驚農談出夜半九穀豐年成酒闌

相浩歌河漢橫庚庚

安泉園拜張素村前輩題卽信宿水軒感作三首

再過西州路山堂一慟時科名生死接身世去來知己逝歸何處猶存憶若斯八年磨鏡具還及總帷垂手築依山墅堂軒一半成花垂傷逝淚鳥作憶人聲雜樹留遺澤諸郎護短檠賜書能共讀寥落慰平生

跂足眠孤館林空衆響來招魂先滅燭感夢出餘哀兒女緣初定時爲次兒知節行問各禮風雲念久灰朱陳邨落在何地起樓臺

宜園與張儀清岐周凌十士洲昆仲夜話二首

衡宇聚深巷馬衡張氏居祖父立清門兒孫守吾廬閉戶謝人事孝弟相歡娛堂陳古琴瑟淳風見唐虞森列童稚玉笋驚雷舒揖讓無疵瑕各解嗜詩書于人無取求倉廩恒有餘比戶

苟如此民氣還古初

宜園三畝宮池館闕花木但聞絃誦聲幽偏啓家塾小樓我舊  
栖布席藉櫨綠心苦祛百慮展書終夜讀忽忽二十載每至生  
感觸秋燕戀春巢飛鴻漸前陸主人知此懷追歡勸醺醪

太安人攜家人避暑觀音石淹留竟日題壁二首

芒屨又落故山中記得仙巖積翠通一徑斜開青峭倚全家來  
坐碧玲瓏雲根翕闢幽宮啓地穴徜徉伏暑空戲掃苔痕留醉  
墨不煩他日藉紗籠

家人雜坐縞綦聯拔宅居然作散仙水月閒參觀自在川巖誰  
證妙因緣勞筋息後存真性慧識通時破野禪收拾宰官身便  
得浮生何必問諸天

興安道中三首

羣山奔會中孤嶺每一卽叢叢灌木合隱隱卽墟藉後巘降已  
深前谿入猶乍田疇好風日宿雨長禾稼丈人倚柴荆名客憩  
茅舍繞屋栖餘糧倉廩無隙罅豐年豈有常比戶畢婚嫁

連巒石輪囷起伏散壁壘我疑神人戰旗鼓擲于此免冑鬪爾  
顛覆釜赭其底時清洗兵久刀劍不須砥地力用各殊藉以鎮  
郊鄙團團列星隕鞭撻孰能徙崩崖垂象鼻宛若鉅橋圯石爾  
苟能言吾將攸微旨

靈山自端居岑山走一臂側嶺臥高原城郭壓肩背縣門帶場  
圃榛莽雜蕪穢街衢日色薄寂寞吏民對昔聞聚遁逃據險亦  
可畏荒墟存黑灰冶竈今則廢懷哉古人心建置豈無謂

河口夜泊

斷雁叫人起算江流月寒倚篷秋思苦入夢母身安客久家何



在行多路益難依依感桑梓還作異鄉看

### 峯頂庵

直上五千仞直下一千尺始躡鰲湖趾旋跨鰲湖脊杉檜谿谷  
景俯視綠陰積一徑度林罅幽泉夏瑞壁環崖納崇宇城郭倚  
天立敕建選佛場大義首飛錫中興托養師唐宋歲時歷溶溶  
放生塘魚鼈自成國羣僧習耕耨打稻及秋日雖無慧業人具  
足資佛力出山高閣盤左嶂樅突兀如獸渴奔砌如龍怒騰壁  
誰云擲屠刀尊者幾回寂講堂負山陽朱陸手親闢鄭公立祠  
田遺制已陳迹但供官吏餐稔穗恣披拾不若粥飯僧團樂飽  
香粒

### 張節母詩爲鉛山張湖妻黃氏作

生于黃適于張夫未冠游上庠年廿七夫病危妻乞身代夫竟

亡投繯入井不可得引額觸地生何望撫孤難死節易任厥難  
妾無嗣小姑有女叔有兒妾撫育之婚嫁之孤兒漸長老姑死  
寡婦獨存復何恃兒娶婦婦生孫孫歿婦歿兒亦淪母遭此阨  
可以死天殛神罰憑誰論母不死泣于天妾志堅天無權妾夫  
何罪至于此宗人有子卽夫子繼我子繼我孫枯荻再稊續本  
根啞啞庭中烏頭白猶將雛雛今返哺烏已老七十之年心力  
槁老婦何須乞壽考張郎有後餘生了吁嗟乎鄉人自請朝  
廷旌節母焉知千古名

暇樂園夜訪鍾季子衡書張仲子廉船

二子翩然兩隴鶴游戲溪頭同飲啄野人一艇渡黃昏接疲僊  
僊入林薄細路屢折町畦通豆棚瓜架陰森中雙樹縛門一畝  
宮花木覆牖芸香濃修篁千竿丈夫立斧斤久赦龍孫集炎威

烈暑敢侵越疎雨涼風時出入兩君讀書齧菜根俯拾葵藿充  
糗狼縣城咫尺等隔世茅齋深隱誰叩門鍾生瀟洒不羈馬恭  
謹束身能大雅每吹鐵笛裂山石時作浩歌飄屋瓦張生厭踏  
十丈塵低頭笑作山中人煙霞醞釀感慨息經史漫灌才力真  
我家隔溪一茅屋朝糗夕飡冰玉痕暇時難得樂豈易且共二  
子傾杯尊鄰家農圃各酣睡屋角疎星低復墜林中吹火覓渡  
歸迴首柴荆失空翠

驅巫

巫覡紛紛行鬼教可憐不過西門豹阿神叱鬼唬復咲病者驚  
疑醫莫效東鄰夜半擊巫鼓擾我酣眠魂夢苦披衣踏月登鄰  
堂妻孥含泣翁臥牀老巫搖頭作神語手持龍角咒白虎猙獰  
醜怪神數層雜以淫娃真可憎木鸞金帖隱旗幟高張本命符

脚鐙我裂神像付一炬  
腳踐餘灰折弓弩  
吹鐙罵巫巫疾走賓  
客循牆皆舌吐  
巫神巫鬼紛竄逐  
明晨病者起食粥  
胡生師情  
爲作驅巫詩  
三日傳誦城鄉知  
前聞太守召巫召已魂  
鼓樂送巫歸廟門  
吁嗟乎妖由人興  
胡不聞

十月二十八日四十一歲初度避喧入西山庵宿程構湖書堂不寐顚壁時禱湖赴西鄉燕席三首

擁絮君牀夢不成  
廿年眞感友恭情  
誰知浙瀝山中雨  
一夜孤眠聽到明

華筵絲竹蠟堆盤  
傀儡登場倚醉看  
豈料空齋亂書裏  
有人消受五更寒

竹樹蕭蕭翠作雲  
菟裘終老可平分  
未能拋得團瓢去  
半爲山靈半爲君

張儀清小照

隔窗聞君讀書聲天風琅然誦玉笙同時兄弟等膠漆廿年散  
落如晨星高才無處索知己兀兀山中坐不起仙人爲借芝朮  
生丈夫肯學蟬魚死知君鬱勃莫能吐寄意丹青聊復爾樹根  
松子落成堆石上苔花堅莫洗飄泊君應爲我憐我夢戀君一  
畝園人生出處都無據圖像麟臺亦偶然

送吳蓀圃舍人出牧象州

捕蛇封象迹如何八記風光取次過卽漸蠻荒盛文雅西南奇  
秀在山河變通刀犢知官好感化獐黎驗政和試覓羅池碑字  
古硬黃蟬翼細摩挲

小除日在南昌有作三首

轉徙鄉國閒忽忽逢此日冬雷驅猛雨墮我蟄蟲室燒我櫓柁

嚮婦子對促膝煮酒娛老親頓失寒氣栗新居寄臺城遙望不可卽窗梅字丹砂徒倚定安吉

貸米養十日甘旨或難繼覲然爲人子何以歌不匿飢寒過我者況復絡繹至情多敢自固急難遵古義乞醯縱傷直不遵求者意散金什伯餘苦海終莫濟安得天雨粟一卒飢鴻歲去臘走金匱訪我同舉友風雪掩衙齋股勒共杯酒戲覷紅頰兒巾飾可攬取倏忽成一周元楊又迎斗悠悠身去來滾滾江左右明年歸艸堂定坐讀書牖

### 廬山圖

幼吟永叔廬山高長從夫子

檜門先生

廬山遊廿年夢落山水窟忽

展尺幅來巖皐雙龍出峽閃寒練五叟拍肩依絳霄就中谿逕指諸掌一一梵宇開團瓢畫筆難到意可會邱壑隱伏林巒包

山靈半面現于此東林控脊當其尻高僧栖托古驛畔冠蓋往  
復頻招邀栖賢開先不肯住此意難解淵明嘲臥游得此挂雪  
壁嵐翠滿戶炎蒸銷更求繭紙作圓鑿四面分繪窮周遭

三邨看桃花次胡古邱韻三首

錦浪連芳塢能銷酒客憂偶然登彼岸聊且泊虛舟津鼓迴漁  
櫂江雲轉笛樓前邨紅雨亂花滿釣人頭

言尋西竺寺宛到養花天地僻堪藏壑春濃足破禪梅林諸佛  
定詩壁幾人傳十載歸彈指憑軒亦惘然  
行廚開竹裏隨意坐苔斑舊雨存詩骨飛英圖酒顏潯翻疑卷  
郭霧冷欲沈山雅意羣公極相憐倦羽還

寄友人三首

東陽青瘦不勝衣猶記當年較帶圍別緒久嗟良會少風流應

感傷游非花間石翠頻更主水過彭郎尙有磯  
嶽底青萍埋十載藁儻容我到園扉

一層蓮幕鎖花茵調笑蕭郎是路人斑管摹書憐上客紫裘吹笛憶東憐歸尋舊里無田舍坐對青山自主賓誰信豆棚瓜架側依然藏過讀書身

小宴粉榆社酒多依依桑梓咲言和庾郎園小餘松韭杜老家存但薜蘿捷足久輸行腳健升天無奈蹇人何時子柴門拄杖知音少安得尋君共嘯歌

游廣豐博山貽秋水和尙四首

一鉢偃崇岡南宗選佛場國師衣未壞曹洞水猶香寺古威儀肅山深歲月長尋秋許相過言覓贊公房

獨擁青鸞座因開甘露門心安幡不動僧老佛同尊詩力金剛



大禪身古德存從容敬微旨煨芋火猶溫

閣迢延山月更深畫地鑪細參元理妙終覺鈍根麤智果從何  
結心花亦漸枯堂堂忠孝事此念未能無

偶作浮屠宿終宵旅夢清鐙迴妙香影竹瀉暗泉聲明日出山  
去何年尋舊盟從師居塔院埽葉話無生

元興  
丙戌

蚩蚩四十二年身兩載歸僧草莽臣舉酒相娛康健毋焚香同  
慶太平春蠶疎敢謂功名薄懶惰翻宜骨相屯閒向江湖說廊  
廟千行玉珮集 楓宸

竹颺詩謝汪溶川同年

鰲湖青叢叢隨地富筠篠結實無鳳餐行根惟鼠飽彼颺狀肥  
碩以竹作梁稻穴土長子孫穿塼謝强矯既無三窟謀亦乏五

能巧于人實無害于物取殊少齒牙一何利食竹如齧艸或攸  
涓川侯或參玉版老化鴛計則拙入角智誠小山童謔實管窺  
虞迹如掃掘之不遺力睢陽崔同剿田獲比三狐居偕燕一鳥  
匿社寧待熏飛檄不煩討山林命庖廚族類豈終保汪君樂家  
飲珍膳此爲寶筆以蠶桂椒別以炙煎燭餉客供老饕大嚼恣  
吞蔽走使相饋遺焉敢計鮮薤彼颺若有言樂郊適不早見偏  
亦已虐橫取毋乃擾孰竊田疇禾孰窺家室好孰戕篋箚藏孰  
作盆盎攪貓懶久尸位百物任偷剽主人不之責搜括但旁撓  
烹熬及無辜口腹欲難了颺言豈不然自取勿予媼膏黍故煎  
割象犀則焚擣修竹比君子賊之罪當表爾身具甘馨安得長  
壽考寄謝山人請益惠須紹拜嘉有常賜使者勿虞標緘詞  
代瑤玖庶以資絕倒

三月自南昌買江船泛宅還白下

春隨天共遠江與我俱東身世餘高興行藏一固窮鄉思存故國厚意感羣公三載歸何處扁舟類轉蓬

課兒二首

維錄忠孝文孳孳教兒讀至言每傷懷舉家相向哭不忍根本性卽事多感觸古人去我久我志弗能告置身事會中自盡恐難淑抱茲願學心寂莫矢幽獨求用無經綸倖竊終白覆名卿賢大夫其先多寒賤植德人弗知天意已深眷當其伏處時有美難自見春風吹枯林柯葉發蔥蒨然將相業何取世俗炫試爲考根源懷哉淚如霰

依依

煙波萬頃一舟行恰趁江南春水生岸樹青迴知節改簾衣朝

捲驗寒輕依依但覺親堪戀擾擾都無事可營歸與紅梅銷別恨經年重見不勝情

雜詩四首

德薄竊高位始得亦自疑氣體久相習所願復多歧可寵不可辱一蹶豈克持大書廷尉門難免達人嗤世情善趨避榮戚吾何知但貴不能賤貴矣將奚爲

聖主錫天祿與共求臣賢忝竊只自知人亦何貴焉任蔭俾其子贈封及其先謀國異爾家冥罰理無咎庶職各有司守令責益專汲汲事大吏隱隱積其閒小民失怙恃疾苦紛纒綿得志我弗爲泣誦鄒儒言

民愚易爲惑向背豈在多瞋目讎其子奈茲父母何或謂聖賢書術與仕宦訛共守申韓言罔惜戕天和賊民斯受之焉敢相

紙前爾後不盡貴他日誰撫摩

體用爲表裏切切言新民不取教養術每書日相循谿刻肆誅  
求樂只難強親豈無上考者進去裂其身悞懦氣奄奄武健聲  
狷狷茫然平治理官謗誰爲陳

### 江程二首

郵籤底借報江程閒聽兒童數地名春暖攜家無客況日長消  
睡有書聲羣山咲對如賓友古哲神交亦弟兄忽漫懷人渺天  
末疎慵真覺世緣輕

入饌江魚佐母餐家貧無累老親安宦情已盡無多仕理能  
通不待彈 聖代樵漁婦艸澤春潮魚鼈習波瀾晚來風急喧  
羣籟却倚絲桐坐夜闌

### 漁市

鱗生浩蕩中以水作家室既苦鴛鴦養復虞鸕鷀害數日久則  
禁竭澤不遑恤倉皇浮與沈恐懼入還出收求淒涼不獨慕滄  
海遂避餌且忍菑池生莫必蛟龍妙飛潛魴鱖敢相匹戲師  
無恩讎利在故常嫉豈惟腹汝生聊以炫其術連檣飯舵樓引  
頻泣魚骨腥風拂我角碯血漬鱗乙垂涎戒采頤鼓棹去宜疾

泊皖城迎江寺下值暴風夜作竟又不寐

橫空萬馬一時驚駭聽崩崖坼土聲待卷罔盤開蜃窟疑翻地  
軸陷江城全家屏息憑忠信一纜維持繫死生深感天翁佑慈  
母每當履險却如平

池州道中北風驟發迴帆反指大通鎮得泊

寒飈半渡阻前之罷誦南風解愠詩悟到人生無逆境平安只  
在轉頭時

采石磯登太白樓三首

江水一樓空登臨萬古同將軍渺何處有客更懷公才大難爲用恩深竟不終騎鯨問誰見流恨意無窮

朱雲援慶忌萬福救陽城二子存遺直汾陽共此情浩歌成獨往靈魄自長生極望江如鏡公心若許平

已歎仙人謫還堪貶夜郎交游寧黨附知遇但文章使氣非真醉沈江豈是狂錦袍聊自飾不許後賢傷

蕭尺木畫壁

蕭生昔畫樓下壁左岱右華峰歷歷匡廬峩嵒更相對墻坵泥傾青尚滴太白平生五嶽游高吟踏遍名山秋靈踪幾度息堂戶面壁定注仙人眸蕭生明經不求仕畫木雕鐫傳好事心師寸美一詩翁畫贈青蓮老居士虎頭何處寫滄洲過客爭題太

白樓紛紛牙慧難終讀不見崔公在上頭

到家

蛛絲依約罨燈屏寂寂春光艸半庭  
梅謝葉舒今歲綠苔深花  
疊去年青癡僮病久清臧視飢鼠糴空蝕舊經  
罷檢交游名紙  
橫魚書稠疊感丁寧

長江萬里圖周幔亭製

橫裂十丈綃縮寫萬里江江流諸舫走一綫  
經蜀楚吳東注洋  
山萬山鎖不斷氣力壓地天低昂百千萬里綴城郭遠近斷  
續一一分巖疆支流分會具條理貫穿肩腹尻股筋脈張豈獨  
大千名勝指諸掌作者思力直以兩手隄保障古今險隘壁壘  
本歷歷大帥稽考可以坐鎮籌江防斥候相望列屯戍太平清  
宴不許波瀾狂蠅頭分注九萬字包括水經山志地圖兵紀何



精詳遂使前人莫敢闕能事夏范周陸所作慚胚匡自言甫中  
俞序三百幅舊本可法猶未臧又言江源西出繞塞去且與滇  
池金沙諸水相頡頏於戲一源三目下九派朝宗于海不可量  
吐吞萬象雜夷險清冽不讓黃河強想君懷抱納汗漫曾與神  
禹談洪荒百川四瀆比滄海筆端挹注迴天光我來橫覽且莫  
盡安得操舟逆溯岷峨陽君才萬斛湧地水渴飲江水不可充  
餒糧可憐離別輕骨肉浮沈一艇天茫茫我欲中流破劍起郭  
璞爲君重賦此卷縣扶桑

天地球周幔亭製

六合以外口莫論六合以內手可捫誰將天地縮兩郭搏弄造  
化擎乾坤天球地球落手掌球徑寸餘輕半兩中央貫針作樞  
軸羅列星辰具輪廣牛毛繭絲字畫精書者蛟虺巢螭螭九州

萬國聚乙乙三垣兩道橫庚庚一爲括地象一爲渾天儀出入  
懷衷彈脫手騶衍豎亥焉得知幔亭山人多狡獪游戲塵區亦  
無奈女能糊紙造璣衡兒解牽絲分戒界雙丸旣成太極剖雞  
子團圓黃白耦覆盆倚蓋想當然鍊石斷髓皆莫有入世出世  
君可能管窺蠡測吾弗勝浮生偃仰兩球內地不可入天難升  
宜僚弄丸身手巧蛞蝓轉丸亦自飽莊生齊物定如何撲破雙  
丸天地老山人爛熟二儀書左圖右史頭白俱昇平交泰閒無  
事請續周髀注廣輿

再題芥舟水榭二首

夾岸鉤簾畫檻橫盈盈春水綠波平誰家載酒管絃沸此地讀  
書朝夕聲文字頻開名士宴琴歌不換美人箏生徒各啓蜂房  
牖巾袷周圍一短檠

手闌劫堂芥作舟芸香縹緲鏡中樓嬉春客指扶風帳被禊人  
追曲水游六代鶯花歸寂莫四時絃誦足風流煙波澹蕩堪忘  
老六十經師尚黑頭

雙琴二首

雙琴留手澤敢藉曲肱眠抱比遺經重尊同守器傳深紋存舊  
斷古調入新絃默念知音杳多時拂拭捐

痛矣師襄死

榆門先生

張絃不敢更中枯除木性餘潤定絲聲久掩

箏琶耳難忘志義情昭文又手慣不毀見平生

周幔亭居後得泉圖六首

來爲建業人便飲建業水山泉自在嘗是亦大歡喜  
山花紅欲然點點入窗戶窗內讀書人疑在辛夷塢  
朝汲復暮汲屋後鳴輶轡請臥一丈簞引入山家廚

人生一飲啄遲早各有歸誰顧明月泉留待張伯玉  
一萬里長江百千折黃河都入胸懷間一勺不足多  
出地便爲泉飄飄便爲瀑不如瀉檐端終朝雨珠玉

冶城

埋金鑄劍等荒唐厭鎮空勞運會當一片黑灰銷劫火瓦棺泥  
佛對淒涼

觀象臺

星緯銅儀互轉移高臺過眼賸荒基欽天山下雞鳴後誰肯心  
驚漏盡時

桃葉渡

偶攜雙楫渡春江祓禊前褰水較香莫寫桃花孿豔影衍波重  
展十三行

邀笛步

使君原不是凡人豈與王郎論主賓吹笛撫箏同謫諫忍教疑貳殺功臣

李濟夫 引 河督壽詩

治兵倚福將治河倚福臣臣安河乃安河身卽臣身宣洩支脈  
通導引氣血勻河流奠萬禩臣壽延百春每歌河清頌藉侑介  
斜樽康哉河堤使手握崑崙根公生蟠根胄世仰金張門累葉  
珥華貂奕代乘朱輪傳家碧油幢插架經國文公稟神仙姿性  
具菩薩真偶現宰官相遂掌天漢津中閒涉風濤忠信感益神  
用豈資格拘升算階級循良由大智慧作佛超由旬自公領宣  
防河伯猛氣馴和風靖波瀾定力伏祁辰公持降魔幢百怪不  
敢噴爲政得體要簡默觀微塵龍象繞師座無以窺咲顰聞公

身嗜好儒雅何彬彬退食萬卷中吐納分故新醞釀爲詩歌高  
唱吹韶鈞臨池老逾健筆陣排千軍傳鈔徧郵驛慕搦馳貞珉  
又聞公子多麟鳳羅振振八士閭兩季九女增一人十爲數之  
全汾陽豈公倫蓋乘川嶽秀誕此甫與申六旬開瓊筵十笏集  
嘉賓天花不沾衣何況儀幣陳令弟我賢友代徵華封言敢摘  
溢美詞再拜述所聞公官大司馬輔弼多經綸偃武太平日韜  
略非其勤爰以治兵法試用黃淮濱歲月恒河沙公壽次第臻  
轉漕千百艘瀕河億萬民一一恃公福豈曰資榘薪公如須菩  
提性海清且淪咲指功德水永侍吾

世尊

再宴瓊林詩爲熊丈滌齋作二首

杏園花事又更新周甲同年得替人少著官袍擅風度老披鶴

筆見精神瓊林酒定虛前席雁塔書皆接後塵欲向秦淮張錦  
宴爲翁妝點曲江春

辛未庚辰盛事傳宮簷丞相並耄年重添典故詞林筆再咏霓  
裳闥苑仙騎馬看花原豐饒拙豪作賦益鮮妍詩成好寄新先  
輩各對南山和一篇

典衣

玉佩金貂不可求囊空餅罄亦堪憂朝衫豈惜因糧賣彩服終  
當爲母留乞米恥書窮乏字得錢先具甘飭十年真氣填胸  
腹肯效癡人訴旅愁

題熊丈滌齋塔影園圖園爲前明姚南朔市隱園舊址  
龔芝麓復營池館攜橫波夫人居之園瀕於湖可瞰報  
恩寺塔影故名二首

尚書舊墅翰林居市隱先生總不如照水浮圖城豈隔窺園龍  
象迹原虛風鈴學語如求友燈燄流珠欲上魚咲對高標成主  
客定中身自愛吾廬

四十年栽竹萬竿老人眠食共平安圍身孝節知翁健繞徑芳  
蓀稱祖歡筆倚檐端花鬪彩書來雲外鳳頻餐風流莫讓前賢  
擅添寫紅妝立畫闌

乞竹呈滌翁

從來醫俗借檀藥特乞蒼筤二十竿直節師翁分晚翠長身伴  
我益高寒新陰今夜橫書榻嫩筍明年上食單敢闢三條求友  
逕雨風霜雪閉門看

燕來巢

倏來倏去相擇棲忽上忽下同銜泥虛堂爲爾撤簾幕吉日戊



已除蒺藜琴臺花落罷頻埽寢榻夢酣休屢曉餘香莫漫沈睡  
鳴絮語或可充談雞新雛習羽母爲導乳穀墮巢吾與梯毛乾  
未可便飛去董家雞狗無乖睽

廚煙

鷄粟充糧鮮盤錢欣看竈突裊炊煙治生策豈能操券求富心  
終賤執鞭手散萬金多感慨家無百畝尚遶延竹花凋後桐花  
老雞鶩紛紛亦可憐

白燕

粉臆罷霑紅雨片素心來伴玉堂人頻君海上傳消息冰雪依  
然一病身

林承政親家扶病來訪二首

疎燈明雨夜舊約喜重尋道力難申定高情病後深澄觀布簪

策寡欲理瑤琴坐到忘機處相知託寸心  
裊裊香縈幔翻翻竹受風勞時多事過靜處兩人同習懶忘官  
味無成惜命窮尚存兒女念料理作家翁

忠雅堂文集卷十四

思雅堂文集卷十五

詩十五

鉛山 蔣士銓 心餘

出門六首

三十官京師迎母東華住四十歸國別母臨安去十年不離  
膝一朝行李具隕涕看烏雛啞啞繞庭樹

老懷重骨肉貧家輕別離飢來攜子出低頭言詞我腸轉車  
輪母淚落硬縻牽衣不成語但道勿我思垂老別兒孫感傷唯  
自知我生無弟兄親戚況天涯馨膳托家人痛矣南陔詩

長孫十五齡始去祖母懷平生鞠育心至此益無涯嬌慙性不  
馴恃愛每多乖再拜萌本念號泣聲哀哀衣履悉手製老淚痕  
難揩丁寧慎食眠力學期克諧勿令受笞撻致我遙心摧

昔別但思子今別兼思孫服我初服衣舊淚連新痕祿仕養且

薄家食寧足存古人重恒產至性皆可敦俯仰有慙色勲業誰  
能論一身苦支離難答

君親恩

病婦偃空牀夫行不能顧豈無子女情門外多歧路藥煙啟羅  
幃復牽知廉衣始知母子別慘于夫婦離兩季學母泣戀兄亦  
依依送耶出門去問耶何日歸

歸期若許長去路日已遠語婦情憂勞勸母加餐飯風來盡堂  
深日下離亭晚抑情只自傷卻顧敢頻反出郭愁思紛登舟客  
心短夕夢共兒還孤篷雨聲斷

底事

底事中年引疾還清時宦興敢全刪讀書心較求官急許國身  
容戀卧閒本爲無家拋梓里翻因乞食謝柴關炎風朔雪天涯

路荆盡江湖壯士顏

武進呈劉繩庵先生二首

早受廿年知圖存感舊詩門生多病後夫子閉關時喪禮丹黃  
遍麻衣涕淚滋至情難解慰敢廢蓼莪詞

未起尙書宅依然典屋居肅清門巷在貞介古人如有子巍科  
列知公種德餘平生心不競官秩總天除

無錫訪嵇尙書

十五年前落第時感公園扇贈新詩登堂再謁尙書第倒屣重  
褰讀禮帷孝子忠臣家學正油幢璽綬

主恩垂黃扉虛席將三載莫歎霜添病後髭

欲弔家倉場司農不得有懷健仔刺史辛仲部曹諸昆

季

轅門鼓角潞河樽侍坐心承長者論  
永別年華經兩換臨風涕淚故長存  
芻禮失成千古駟馬門開隔幾邨  
墨經遙憐舊兄弟推篷延佇一銷魂

吳江信宿朱五月階東齋

林月挂絺衣談深夜氣微藤身老親壽苦印故人稀  
感舊心難報懷恩涕共揮門楣托君子刻苦下書闌

月階爲樹門先生增

嘉興道中二首

直瀉三霄水全慳半日晴連峯屯雨氣萬物避雷聲  
麥爛農憂始田空野漲平窮陰春及夏差可祝秋成  
小戶魚游釜荒邨豕渡河踏車兒女瘁散水桔槔多充食求蓑  
筍無衣仗笠蓑卧聞煙水外哀怨入吳歌

謁香樹先生于里第爲補書顯櫓門先生遺像詩

公敦千古誼詩寄五年前信落投書渚圖虛歎逝篇良朋遺像  
在老淚墨痕鮮願今朝遂三賢手跡連  
精門先生云平生知已三人句  
山香樹落石河已兩公詩久題

煙雨樓觀錢太傅奉 敕書各屏幃二首

水閣地無山高樓時此開窗宜青靄入湖愛白波環菱藕花初  
試鴛鴦夢最閒嘔啞櫓歌發遺響滿前灣  
舊碣華亭筆新屏太傅書宸遊春似海樂國北維魚世澤存  
香火殊恩問里居標題名勝地同出表忠餘

范大夫祠二首

籌國謀真遠知幾去獨先自看湖水月不受介山煙姓字埋猶  
變身軀鑄豈堅功臣是何物藏骨必祁連

伏臘思遺澤靈威走越巫清風被湖渚古廟立城隅才大都無



戀功高不受誅  
彰君父惡豈但爲全軀

### 岳鄂王墓

宰相持和議朝廷本厭兵  
天收名將盡人歎國讎輕  
讎惡危時盛精忠死後明  
無成關歷數感憤不須鳴

### 淨慈寺

出郭第一寺層巖翠微合  
堂安濟顛師檐俯黃妃塔  
佛現金色身一睡具僧衲  
梵宇需蜀材神力暗輪納  
泓然運木井巴流隱穿匝  
一柱瀟其中露頂不可拉  
墜火得俯窺疑有毒龍窟  
堂東列尊者五百坐相雜  
叩以西來義微咲皆不荅  
門外明頗黎淨業問慈鴿

### 漪園

閣枕雷峯埵門延印月潭  
修廊周在渚荷氣接優曇  
空曠追涼

得清華結夏航漪漪愛明瑟我欲畫拖藍

三潭印月

滿月寧分體三潭各印心浮波排瓦塔鑒影悟蹏涔曲直平橋  
接蕭疎碧樹深攜琴倚虛籟一操水龍吟

湖心亭

瑩瑩水精域中湧一冰壺尺土浮偏穩虛舟坐亦孤亭林窺彼  
岸杯渡藉吾徒風引三山動仙游得似無

照膽臺觀漢壽亭侯印

玉方二寸碧色古中空可貫五雜組琢來定出昆吾刀竊去誰  
操白衣艣如水心甘委越波拜爵銜羞蝕吳土魚龍護持百怪  
遁寶氣摩空出曾畧深文兩面具九字上曰亭侯下關羽乾隆  
辛未入宸賞旁刻御書三十五商彝周鼎不可見漢璧紛

紛難比數潤澤猶涵君子德威名足禦妖邪俯想見荆襄坐鎮  
時軍檄官書日旁午紅泥鈴處令如山符節中閒壓龍虎

聖因寺

軒轅張樂地宮寢歸然存御宿慈雲護天閭梵宇尊聖因參  
水月佛像幻苔痕念彼觀音力須看一老髡

花神廟

昔人侈功名自許當廟食令範全家像分掌司花職兩廡列男  
女十二好顏色各抱月令脾按時布芳德勢盡鬼不靈慮遠事  
多惑湖山自有神仍各領栽植西偏締名園池館妙襲飾一氣  
出好花萬彙相努力杜碑與名彙自古有失得何必陵谷遷民  
心秉遺直

蘇隄

蘇公隄接白公隄界畫湖分內外畦間柳天桃連錦樹隨車  
馬趁香泥因興水利成佳勝每到公餘愛品題日擁簿書憐  
吏江山風月罷招攜

靈隱寺

羣山圍古剎諸天隱喬木陰籠冷泉亭翠倚巔光竹僧舍開蜂  
房庭宇相綴屬香廚萬斛釜可給千衆粥誰供布地金淨飯藉  
天竺山深洽幽賞鳴迴遮遠矚不見浙江潮飛聲度林麓

飛來峯

靈鷲不可見靈隱分一峯梵僧說飛來守者雙猿公雲根一一  
垂嵌空窟玲瓏白日謝穿照綈綈匿蛟龍鑿佛陰洞閒其義亦  
何從秦鞭祖荒唐愚負欺凡庸山石附地出簇簇青芙蓉世有  
五金礦陶汰久則空行潦暴穿貫漱滌開幽宮如人身諸竅鼻

虛外穹隆四凸具生初豈有後起功  
誕說足駭聽僻境多靈踪  
吾邑積翠巖視此將毋同

湖上

湖波濫濫意融融人影分明古鏡中  
細艸青圍褰帶綠新荷枝  
亞酒杯紅水仙王廟依林轉羅刹  
江湖落手空明日東游探禹  
穴無家真愧鑑湖翁

渡錢唐江入西興溯會稽

潮逆算江流江心亘一洲  
興人弄潮手擎客踏波浮  
半渡長年接高帆七里收  
西興登彼岸仍坐筍將游

錢清弔漢太守劉寵

臨行受一錢錢清所由始  
在官無奇政除簡煩苛耳  
道乃不拾遺狗吠手以止  
介節歷卿相蕭然去田里  
亭吏不識公長老故

如此貪墨喪厥身可以媿頑鄙後劉崑並芳譽遺惠皆可紀我亦豫章人思公并溪水

龍山書院

採葢人何在當年內史家橋存題扇跡池賸浴陂洼萬井當樓見羣山抱郭遮地從入境別心到上方迴講席依峯拓名賢接踵誇吾懷本空曠此座實高華階級千尋迴雲霄尺五擎俯窺諸象得橫覽萬涂賒位置天公擇經營古哲加俳優遷列肆鐘簴設崇牙俎豆湯劉永儀型孔孟嘉飭躬惟不苟澄慮在燕邪敢立名山業先攻美玉瑕修途相砥礪疑義共梳爬僞體舉羣幟游談絕衆譁尋詩偕屐齒漉酒藉巾紗悅性何瀟灑敗言則正葩育賢吾道長養士國恩蒼僕病歸無用人才信有涯願書忠孝字朝夕語侯芭

樓居

羣山落落如高士雙塔依依似故人  
畫意詩情開牖得朝嵐夕  
靄卷簾新一樓居我多餘地萬卷教兒立此身安得菟裘就空  
曠白頭將母奉晨昏

躊躇

煙雲滿案五經廚山水圍身一腐儒  
四十歲人真懶漫百千秋  
事費躊躇頻勞魚雁傳親健恐有生徒  
咲子迂亦是玉皇香案吏蓬萊山畔住須臾

兩病

犯暑循川涂吳舸小于甌炎溽中肌骨所觸皆我病  
兒軀本脆弱慈心倚爲命甫離困瘧瘧感傷出天性  
竟夕呼祖母百呼祈一應豈知隔千里夢寐失歸徑  
力疾數起視我病勢亦橫平生

木燭氣至此不能勝旅依僮僕與藥拜友朋贈子疾親倍憂足  
爲不孝證一證對呻吟空樓月光定

感憶二首

半輪孤月挂危闌市語人聲下界歡夫子呻吟殘燭底病妻猶  
自祝平安

淚痕承睫送征人悽惻難忘病裹身欲遣雙魚問消息江河橫  
隔幾重津

立秋感懷三首

纔聽西風第一聲蕭條朱玉不勝情槐花滿院人初靜木葉穿  
樓夢自驚病婦存亡消息遠衰親勞苦別愁并天涯砧杵闌山  
笛兩地同傷節序更

若耶溪水尚氤氳動風開浣女褰自擁琴書同入定敢忘綦



編賦如雲愁隨夜雨添三尺淚共池波長一分自古奇文關至性登壇人亦故將軍

六時消受倚闌望圖畫天然禹會疆郡邑河橋界棋局市樓窗戶疊蜂房悲秋意逐羣聲沸病暑身隨一雨涼不用觀濤蘇癩疾刀圭待覓越人方

天鏡樓獨坐

江海煙雲掌上過寄愁天外苦躑躅城中氣候山中耳領略秋聲此處多

趙方白徵君訪予于戢山留宿旬餘醉中言別

策杖杭州又越州山中許爲故人留平生世網久能脫六十老翁何所求泥土揮金豪傑事雞蟲爭食鳳鸞羞關河飄泊難爲子我髮蒼蒼與白頭

禹陵

禹何芒芒下久懸當時王會想風雲心同揖讓傳賢子局定征  
謀及暴君杞故無徵難考據郊先野死不傳聞摩挲空石爲封  
樹萬古人心立此墳

吼山

越王臺下誅功臣犬亭山上羣狗奔鳥盡弓藏兔鹿死敢竊幾  
珥沈辜恩犬去山空石骨苦萬匠穿巖加鑿斧摧崩陷拆豁空  
潭混沌全開誰得補潭寬壁俯十畝餘神魚聚族來深居大者  
三尺小二尺有生無死游息舒潭中一石隱橫闕滋長雖多不  
能出飛魚上天借風雨老衲安禪防苦最陸墳破碎無子孫陶  
氏築墅石簷巖穴根四崖合建不朽郭一洞橫闊天然門簫聲  
窗窗放舟入蒼餌爭投魚起立怯吞攘奪疊鱗鱗食盡波澄龍

子蟄屋後插笋山叢叢千狀萬態無一同中有立石戴橫石不  
懼落帽重陽風列岫相招復相吼南渡攢陵忍回首但觀園園  
放生魚莫問纍纍喪家狗

送知廉還白下三首

攜爾山樓住依依兩月餘病疴憐汝稱行役愧吾疎憶母同成  
夢思兒共倚閭當秋遣歸省淚溢數行書

兩弟魚同隊全家燕共巢藏書堪細檢舊業忍輕拋純袴從來  
賤虛車古所嘲驚看四隣子文采照蓬茅

歎我無兄弟難爲去住身三雛當共命百事要相親御下加寬  
惠承歡謹咲聲如何兼孝順兩世北堂人

寄家信詩後

日窮江左樹夢阻浙東雲萬戶砧聲合羣峯夜色分樓高通海

氣天闊隱星文百感成遙集無因細語君

天鏡樓秋夕

市聲喧夜極山館得秋多節序催寒至文章奈病何越巫通夕舞國俗滿城歌并入愁人耳蕭蕭鬢欲皤

中秋

置酒稱游子停尊憶老親遙看白門月分照越州人病婦假樂怯嬌兒念我頻新歸憐驥子解說倚樓身

劉豹君

文蔚

明經用蘇詩韻題拙集次韻奉答

高才貴學識豈但矜雄豪今古性情接其義兼史騷詩人豈不多苟作同弁髦可憐百家集轉眼漂洪濤牛角困鼯鼠敢充郊廟半繁星不照夜豈知日月高我無著作才苦駕江海艘入世綴蛛網息羽時一逃手絕虹霓絲算釣滄溟釐劉侯讀書眼持

論慎許褒講學四十年相馬推致舉插笋森玉樹立鵠園青袍  
此都文章士磊落皆其曹嗜我本色詩許我詞林遊老手抑強  
韻暇逸忘艱勞拜翁大將旗欲匿偏師旌益歎知己心契若風  
水遭雀艇詣翁門河身小于濠擬分閒字觴斟酌荷壽醪詩家  
任荒榛日閉切煩蒿

寄知廉二首

修篁落翠小窗明靜展芸編養性情更屬隨肩兩兄弟隔簾相  
和讀書聲

天鏡樓高影未孤支持門戶賴兒驅阿婆康健阿娘喜勝作新  
詩念老夫

寄家書二首

秋花滿院母加餐晨夕添衣禦薄寒鴻雁拂天魚在水一句一

信報平安

十五男兒比母長學書家信語周詳浙東夢與江南夢何處天涯是故鄉

病足謝劉豹君饋膏藥

厭踏萬里路歛足來山中庶幾息勞筋一作跣趺翁暇豫輸鳥  
鳥倚藉失驅蛩勞人不可逸福過災恒攻右膝忽苦痛獨坐如  
疲癢鬪捷性所恥學步心本慵蹠拜孰能屈伸曲寧苟同配茲  
木強身何有山檟窮杞菊昔未樹血氣良難充咲對折腳錯深  
愧百足蟲劉丈六十餘粹然學者容腰腳一何健談詩數相從  
登山著短屐掉臂拋長筇極知地行仙久具內養功周旋憫蹢  
跚揖讓嗟龍鍾惠我元壁膏裂帛爲攤溶蒸如溫泉沃暖若松  
鑪烘燂飲真一膠入口周臆胸腠竅納鍼砭骨脛驅濕風徐徐

起孫臏冉冉趨觸龍問叟膏何來禁方出珍封平生逐行腳徧  
寄南北蹤行優貢成均駿譽領鉅公誰求干霄筆一咲隨冥鴻  
歸臥龍山陽閉關時韭菘散財濟戚鄰執經課兒童階前三琅  
玕堂上雙栢松百事不挂眼萬卷猶繞躬偶訂達者交都忘詩  
人窮欣看陂能履報德將奚供爲覓社公酒一治牆東聲

約君有  
耳疾

### 顓約君三小影三首

談兵說劍意銷沈與叟同拋壯日心一樣青編傳姓字鼻將游  
俠換儒林

佩劍

冷吟閒醉寂寥身畫裏形模孰假真自咲秋來道根淺硯旁添  
坐學書人

索句

鶴鹿精神嚴谷姿松蒼石古坐遲遲人天妙諦知難了拂子當  
參放下時

撫鹿

送揭廷揚還里

窗中秋嵐鮮簾底綠波淨寶牕上堂階戶外鵬聲定君泛秦淮  
舟益發山陰興載酒游江湖跌宕亦其性力學無所遇屢空豈  
吾病世人樂富貴不復安義命君獨恣游戲掉舌毋乃橫造物  
無偏歆賞罰欲其稱可憐庸人愚求福昧理固然燭共君飲有  
叩輒能應胸中所蓄儲娓娓皆入聽既見師承佳況復趨尚正  
涉世學和易中有不撓勁我本羈落人與物亦何競樓居觀萬  
象自許目如鏡潦倒文字閒勸懲比爲政諸生多秀慧我以樸  
直勝他年立朝廟孰應得人慶危亭臨天半薄醉每同凭禹穴  
落几席搏弄不可贈君歸探戰湖桑梓實我敬寄言同心友漂  
泊莫知竟新銜老學究憂虞益加併安得偕君還一聞山寺磬

連枝圖三首



四海相知一子由西風吹淚古藤州人生至性無生死寫到駢  
枝欲白頭

剗肉寧酬返哺恩行同曾閔舊知聞看雲憶弟人何處黃葉邨  
南孝子墳

怕聽蕤豆說同根嘉樹垂柯出翦痕請綴繁英添合帶一花中  
抱兩詩魂

洞庭煙水鄂渚風波二圖爲沈皆金秀才題二首

年少拋除旅客愁楚雲湘樹最宜秋眞看有水無天地漫擬將  
身狎鷺鷗碧杜紅蘭藏遠意美人公子怨靈修仙槎別後休惆  
悵他日還提玉尺游

雨雪霑衣駐短驂山圍大別水拖藍自屋返者誰相導行路難  
時我最諳繡被擁來眞怪事明璫贈去亦荒談據牀許坐南樓

月狂飲還能竟夕酣

右鄂渚風流

表忠觀三首

龍蛇走壁勢從橫石鏡冠裳氣尚生此是當時妙音院綠楊鶯  
語故關情

自知骨相輸劉季聊以功名比賈融一咲歸排衣錦宴效他臺  
上醉歌風

雄才大節古無雙氣壓江湖百怪降食客三千州十四勝佗稱  
帝海南邦

錢武肅王鐵券歌

長尺八寸闊尺一厚分五釐銅瓦式重百三十有二兩鐵質金  
書精嵌飾皇皇三百三十字乾寧四年歲丁巳八月丁未帝曰  
咨報爾勲勞承信誓衛我社稷惟爾忠福我生靈惟爾惠恕卿

九死裔三死史館欽哉勅頒示臣繆再拜上表聞聖慮永保臣私門曲加容恕感至德懼傷慈愛孤殊恩子孫保守皆忠附歷世至元沈澤庫漁曾一舉返台州千秋守器先靈護我聞洪武之初褒功臣特命危素取券來稽勲濂禕詠歌甫畢響韓彭烹醢多游魂君不見李懷光擲券地下聲琅琅疑人反者賜此物臣有明信中心藏吁嗟乎唐錫帶礪報爾功宋奪茅土表爾忠生兒浙臉符佳夢半壁山河一券中

顯表忠觀碑後

不肯閉門作天子願作開門節度使西湖之水豈可填有國百年吾足矣妖賊紛紛盜赤符公言赫赫傳青史三世四王七十年功名五代相終始嗚呼仙芝漢宏一亂民黃巢嗜殺終滅身可憐不識忠孝字高駢董昌皆重臣八州父老免塗炭九死臣

谷頌鐵券由來信誓出殊恩敢使兒孫罹國憲雍熙納地倖免  
誅南渡陰還土一隅仁人再世且享國佳兵好殺何其愚勸忠  
吳代推清獻墳廟無虞還立觀特筆誰如蘓子瞻雄文壓倒羅  
昭諫

龍井

洞泉每感發一竇豁龍藏辨才偶卓錫咒魚出游漾秦蘇愛風  
簞陟嶺數相訪遂令物外心往往樂閒曠勝地歷千載御宿  
欣一剏乃知山水窟姿態無定相攜藤詣靈區捫壁尋壘嶂山  
石互起伏孕結各殊狀縈迴暗承接疎密巧侵讓芝菌根蒂連  
師鹿角蹠向隙處松竹交敞處亭軒抗修廊續陰厓曲磴梯危  
閣俯窺一泓碧深窈難測量龍公臥其中瑟縮不敢放行雨時  
一出合郡拜靈貺佳薜香色殊頭綱品爲上泉甘土石潤地產

天長養汲水烹飲之勝吸白蓮醲坡谷數老翁各拜寺僧餉林  
端浮金湖樵斧雜漁唱游人樂攀躋渺渺說龍象俱喫趙州茶  
誰能參坐忘

謁于忠肅公祠墓

小人共爵祿錄錄太平時一朝遭危難君子獨任之倉皇昧適  
從委靡聽指揮事過審利害頓軋相轉移忠良罹禍患冥溟皆  
有司治病存古方飭賜本良醫幸與不幸間公或能前知宗社  
免播遷一死焉敢辭徐石等鼠蟻友愛天已漓骨肉變仇敵黷  
惡何足噴氣數由天運殺身立綱維魯廟躋僭公庶幾愧公祠

祈夢

大夢不遽覺身世亦多故青夢與妖夢事後始能悟人愚遲神  
智乞兆導先路就中弄狡獪示現難疑誤禍福有轉移冥宰不

可訴修身以俟之雖寐亦常寤

嘉興錢太傅配俞夫人挽詩

夫人疏名門家世藏虎符翁稱老詩伯女誠傳班姑婉婉蘭閨  
中不字待醇儒外王父金叟相馬求龍駒吾師舉孝廉錦瑟詩  
成初喪曰此君異可爲淑女夫身有一品骨智轉十乘珠遂蒙  
國士知許贊甥館居師充觀國彥名宿威相於煌煌著作才籍  
籍文章譽跌宕卿相間賓燕無時無插架三萬卷續火芸窗俱  
交勉希鳳麟豈但弋雁鴈能誦雞鳴詩達旦常晏如遼巡取高  
第藻采輝石渠夫人望南雲悽惻涕霑濡舅歿姑已老數遣平  
安興是時太夫人悅志書畫廚因念孝婦賢就養辭粉榆師受  
特達知奉使紛馳驅畫又報屢空甘旨充盤盂借免內顧憂豈  
識釵墜盧夫子篤古義故舊多遺孤手植寄生樹翼護失乳雛

紛紛師荷擔一一母持扶哺以齒夾乾裹以嫁時襦夜寢數起  
視撫摩寒熱膚漸從豪末中皆成合抱軀名材羅國棟拜母牽  
華裾誰知三十年長養心力劬可憐一寸心上帝爲嗟吁報以  
麒麟兒默示理不渝分誕筵室中六七昵於菟婦職孝有終母  
道慈尊逾緇惟善慶家積累起錙銖師開種樹庭桃李三千株  
起姑問母安顧之和且愉孟公官翰林美秩歷拜除載領京兆  
尹司寇兼司徒人稱小侍郎肩隨老尚書母躬一品封不忘綦  
綯娛仲叔皆令丞幼亦偕公車康哉太夫人偕老林泉區每觀  
此舜母出述

任奴諱禮法訓家人勤儉規彼姝熙熙蠶桑里北戶陳闔雖母  
壽七十九夫子聰明胥插竹戲孫曾隨彼梁孟圖住世忽厭久  
咲返增城旗里巷罷春唱闐闐揚悲戲共歎道德門奕世天

等走爲門下士竊窺冥溥餘東南萬萬人老婦誰得踰旣貴不  
忘賤惻隱矜凡愚伊傳起田間寧與農販殊歟家主不續化爲  
阜隸閭維師與夫人寤寐存次且朝士苟如是百世昌可需走  
亦賢母兒愧充轅下驚力小且德薄敢冀馳亨衢作詩紀徽燉  
非諛亦非誣凡百賢者妻敬稟夫人模

香樹齋敬觀 賜藏太公太母詩畫冊子恭紀

卿母所畫卿父頤十幅中各寵

御詩南樓妙墨內府富命摹副本偕弄之昔年卿進轉以賜朕  
不忍留卿寶茲焚香展讀觀者涕何況至孝如吾師叩頭拜手  
敬賡謝繡冊齋獻陳 天堦藝林盛事古未有趙管惜不生同  
時當年偶向南樓寫老梅著花雙管下母爲偕隱鹿門妻翁亦  
臬橋質春者江山秀色入腕中把筆一洗雲煙空酥融絹素長



花木胎息粉墨生魚蟲鳥鳴老睡各具動靜理古雪香浮美人  
倚遙想詩成畫後時一咲仙人啟玉齒已拌流傳寒具手敢望  
披陳

玉皇几 天顥何幸倚龍蛇世守依然賜孫子石渠寶笈詩跋  
傳詔從天上歸人間宣和璽印寧堪比鐵券同珍拜賜年

香樹先生錄寄顥饒齋南小照詩用卷中陳句山太僕  
韻依韻奉懷三首

天姥乘雲聞苑游八千莊樹獨春秋尚書幾日詩情減新樹梧  
桐感白頭

蜻蛉銜尾競宵征問訊登堂意敢輕何事歲星猶感逝不偕仙  
籍注長生

吟聲達旦豪于昔腕力盤空大過身更學雲藍報康健因風傳

慰越州人

鼓山別諸生

結束歸裏五兩輕  
暫拋樓外越山橫  
平分小別關河意  
一種斯文骨肉情  
終歲勤勞歸雪案  
寒宵攻苦仗銀檠  
依依定有相思夢  
還逐江湖蚤暮生

自杭州越潤州塗次口號

七百程途一葉船  
艣聲伊軋客安眠  
雲山熟比知交會  
城市看如壁畫縣  
見慣風光頗句嬾  
習歸魂夢到家先  
如何半載飄零意  
較勝當時別數年

十一月二十四日爲丙子生日泊京口待風感憶四首  
金焦兩點落船窗  
空闊江天立萬檣  
共聽來船說風利  
南人閒坐北人忙

幾分勞瘁十分愁銷盡朱顏病乍瘳廿一年中半離別相憐四  
十我過頭  
心長不奈道途長遙念三雛捧壽觴恨煞無情衣帶水累人牛  
女說相望  
來苦怱怱去苦遲此心只有道神知花前豈少團圓宴不及斯  
辰手一卮

氣暖

氣暖風多逆波平艤更柔心隨歸鳥疾船帶暮雲收家近程偏  
滯江空醉轉愁少眠書易盡孤雁報更籌

默飲

魚經江國美酒到潤州醇晚飯連檣又晨妝入鏡新僮僕  
盡妾穉問家頻默對三山飲瑯邪本恨人

儀徵

城郭指眞州清歌隱畫樓  
旗飛離客艣酒賣釣人舟  
花月三春夢河山百戰收  
江迴沙岸盡依舊接天流

黃天蕩

夫人擅輿擊戰鼓將軍殺賊聲  
如虎黃天蕩闕浪排山金人膽  
落魚游釜間士焉知老鶴河百靈  
縱脫蛟龍渦屈山壁立海濤湧  
中原路絕悲如何君不見和尚原  
朱仙鎮吳岳軍威天不順  
金山鼓死戰雲愁空勞魚鳥長  
江陣將軍恨逐江波流夫人散  
髮弄扁舟西湖去作騎驢叟偕  
老猶堪共白頭

得風

不繫舟如飛鳥去最高峯  
似故人來分明晚達勝初遲  
比並新然熱死仄萬艣難迴  
留客水一風能助濟川才從  
知順逆因時

見誰道天心未可回

掃葉樓

落葉埽不盡幾年存此樓  
天空羣木老寺古一山秋  
壁壘移江渚功名指石頭  
輸他塵外客縛帶坐林陬

吳慮端臣

明楷

詹事

艾首登朝未是遲俱從散秩踐台司  
詩人樂府旗亭唱學士才名禁籞知  
歲有門生從玉尺時推協律辨金絲  
難忘刻羽移商夜按譜煩公振笛吹

除夕夢偕袁子才前輩登一高峰各成四語而寤

雲過大海渾無迹天入名山未覺高  
踏破虛無雙不借坐忘空

闕一秋豪

忠雅堂文集卷十五